



REPUBLIKA E SHQIPERISE
UNIVERSITETI BUJQËSOR I TIRANËS
FAKULTETI I BUJQËSISË DHE MJEDISIT

Thirrje për aplikim në programin e Doktoraturës në “Shkencat Mjedisore” ofruar nga Fakulteti i Bujqësisë dhe Mjedisit

Nga data 18.03.2025 deri më 21.04.2025 fillon afati i pranimit të kërkesave për regjistrim në Programin e Studimeve të Doktoratës në “**Shkencat Mjedisore**”, në Fakultetin e Bujqësisë dhe Mjedisit për vitin akademik 2024-2025. Kohëzgjatja e këtij programi të doktoratës është nga 3 deri në 5 vite.

Qëllimi i **Programit të Doktoraturës (PhD.) në Shkencat Mjedisore** në Fakultetin e Bujqësisë dhe Mjedisit synon të zhvillojë njohuritë, kërkimet dhe novacionet që nxisin praktikën bujqësore të qëndrueshme, ndërsa trajtojnë sfidat mjedisore. Programi synon të zhvillojë kërkues të aftë për të kryer kërkime me impakt të lartë, formulimin e politikave dhe zbatimin e zgjidhjeve që balancojnë produktivitetin bujqësor me ruajtjen e mjedisit. Kërkimi shkencor në fushën e “Shkencave Mjedisore” fokusohet në zhvillimin e praktikave të bujqësisë së qëndrueshme, që minimizojnë degradimin e mjedisit, nxisin shëndetin e tokës, ruajtjen e burimeve ujore dhe mbrojtjen e biodiversitetit. Kërkimin novator mbi ndikimin e aktiviteteve bujqësore në ekosisteme dhe klimën duke e pasuruar me fusha si bujqësia e zgjuar ndaj klimës, zhvillimin e teknologjive të reja të menaxhimit të mbetjeve, menaxhimin e karbonit, reduktimin e gazrave serre në bujqësi, kontrollin e ndotjes dhe optimizimin e përdorimit të burimeve natyrore.

Programi “Shkencat Mjedisore” përfshin gjithashtu kërkimin në ndikimet e ndryshimeve klimatike në bujqësi dhe jetësinë në zonat rurale duke synuar në formulimin e masave adaptuese të qëndrueshme të fermerëve për të përballuar e minimizuar impaktin e ndryshimeve klimatike.

A. Kërkesat për regjistrimin e kandidatëve në Programin e Doktoratës “Shkenca Mjedisore” dhe programin “Shkencat Bujqësore”.

Për të kryer regjistrimin në programin e studimit të doktoraturës në “Shkencat Mjedisore”, aplikanti duhet të plotësojë këto kritere:

- Të ketë angazhim akademik pranë një institucioni të arsimit të lartë, apo të jetë personel kërkimor në një institucion të kërkimit bazë ose të zbatuar
- Të ketë përfunduar studimet e larta dhe të zotërojë një diplomë të ciklit të dytë “Master i Shkencave”, ose një diplomë ekuivalente me MSc në Shkencat Mjedisore ose degë të përafërta si psh: Shkenca Bujqësore, Shkencat e Natyrës, Gjeoshkenca, Shkenca Biologjike dhe Kimike të aplikuara etj.

- c. Kandidati duhet të ketë një vlerësim mesatar të përgjithshëm me notë mesatare mbi 8
- d. Të ketë të mbrojtur një nga gjuhët e huaja: **anglisht, frëngjisht, italisht, gjermanisht ose spanjisht**
- e. Për kandidatët që kanë fituar një diplomë pas përfundimit të një programi studimi të kryer në një nga pesë gjuhët e lartpërmendura, diploma e fituar shërben si dëshmi për plotësimin e kriterit të gjuhës së huaj.
- f. Të ketë dy rekomadime nga personel akademik që kanë titullin akademik “Profesor i Asocuar” ose “Profesor”, të cilët njohin aftësitë akademike dhe profesionale të kandidatit
- g. Të mos jenë marrë masa disiplinore ndaj tij apo të mos jenë gjetur shkelje të rregullave të etikës së kërkimit shkencor, të të drejtave që burojnë nga pronësia intelektuale apo të shkelje të rregullave kundër plagjaturës,
- h. Vetëdeklarim i aplikantit se është në gjendje të zbatojë standardet shkencore dhe etike.

B. Dokumentat për aplikim

- Personat e interesuar për të ndjekur programin e studimit të doktoratës në “Shkencat Mjedisore” duhet të dorëzojnë në Dekanatin e Fakultetit të Bujqësisë dhe Mjedsit, nga **18 Mars 2025** deri në **21 Prill 2025**, dosjen e cila duhet të përmbajë dokumentet e mëposhtme:
 - a. Kërkesë personale drejtuar njësisë bazë ose kryesore, përgjegjëse për organizimin dhe administrimin e studimeve të ciklit të tretë.
 - b. Curriculum Vitae.
 - c. Kopje të noterizuar të diplomave, të shoqëruara me suplementet e diplomës ose listën e notave me kreditet përkatëse. Diplomat e fituara jashtë vendit duhet të shoqërohen me vërtetimin e njohjes/ekuivalentimit nga Ministria e Arsimit, Sportit dhe Rinisë.
 - d. Çertifikatë lindjeje, si dhe fotokopje të kartës së identitetit/pasaportës.
 - e. Dy fotografi.
 - f. Dy rekomadime nga personel akademik që kanë titullin akademik “Profesor i Asocuar” ose “Profesor”.
 - g. Dëshmi origjinale ose të noterizuar të gjuhës së huaj (njëra nga gjuhët e sipërpërmendura në kriteret, niveli B2). Dokumenti i njohjes së gjuhës së huaj mund të jetë një çertifikatë, diplomë ose dëshmi e lëshuar nga subjekte të njohura nga ministria përgjegjëse për arsimin për ofrimin e testeve ndërkombëtare, të cilat i përkasin një periudhe jo më vonë se dy vjet nga koha e lëshimit të tyre.
 - h. Një deklaratë nëpërmjet së cilës pranohet shlyerja e të gjitha detyrimit financiar, lidhur me koston e studimeve sipas përcaktimeve të bëra nga strukturat e UBT-së.

- i. Një propozim në të cilin të përcaktohet fusha me interes për ndjekjen e studimeve të ciklit të tretë së bashku me emrin e udhëheqësit shkencor.
- j. Për aplikantët që nuk janë staf akademik i njësive përbërëse të UBT-së, përveç pagesës së tarifës zyrtare, kërkohet konfirmimi/dokumentimi që vërteton përballimin e të gjitha shpenzimeve dhe kostove të studimeve të doktoratës, nëpërmjet depozitimit të projektit shkencor të fituar apo ndonjë kontrate financiare të vlefshme, sipas përcaktimeve të bëra nga strukturat e UBT-së.
- k. Vërtetim që është personel akademik në njërin prej njësive bazë të UBT-së, ose që kandidati ka angazhim akademik pranë një institucioni të arsimit të lartë, apo është personel kërkimor në një institucion të kërkimit bazë ose të zbatuar.
- l. Mandat pagese për tarifën e aplikimit (2000 Lek).
- m. Vetëdeklarim i aplikimit se do të zbatojë standardet shkencore dhe etike.

Dokumentat duhet të dorëzohen tek Zv/Dekani për Shkencën dhe Projektet në Fakultetin e Bujqësisë dhe Mjedisit **Prof. Dr. Lumturi Papa**
adresa e e-mail-it: **lpapa@ubt.edu.al**
Tel: **0674400239**